

20.08.2020  
03,04 MUXUW

## UGOVOR o nabavci električnog viljuškara

zaključen dana 14.08.2020. godine, između:

1. Direkcija za robne rezerve Kantona Sarajevo sa sjedištem ul. Alipašina bb., koju zastupa Jelena Pekić, mag. oec., direktorica (u daljem tekstu: Naručilac),  
i
2. Parkelj d.o.o. Sarajevo, Ul. Krivoglavci I br. 6, koga zastupa direktor Haris Voloder (u daljem tekstu Dobavljač).

### PREDMET UGOVORA

#### Član 1.

Predmet ovog ugovora je nabavka roba - 1 (jednog) električnog viljuškara kojeg će Dobavljač dostaviti Naručiocu, u skladu s odredbama ovog ugovora u obliku njegovih priloga i to:

Ponudom Dobavljača br. 02-25-384-20-4 od 30.07.2020. godine.

Pod ponudom dobavljača, ugovorene strane podrazumijevaju kompletnu ponudu Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr., čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora.

### CIJENA

#### Član 2.

Cijena koju će Naručilac isplatiti Dobavljaču električnog viljuškara iz člana 1. ovog ugovora, a prema specifikaciji, okvirnim količinama i cijenama navedenim u ponudi iznosi:

Cijena bez PDV-a: **42.730,00 KM;**

Porez na dodanu vrijednost (PDV 17%) **7.264,10 KM**

**UKUPNA VRIJEDNOST / CIJENA sa PDV-om: 49.994,10 KM**

(slovima) (Četrdesetdevethiljadadevestodevedesetčetiri i deset feninga /100 KM).

### USLOVI I NAČIN PLAĆANJA

#### Član 3.

Plaćanje će se vršiti u valuti KM, po dostavljenom računu i ostaloj pratećoj dokumentaciji, u roku do 30 (trideset) dana od datuma dostavljanja računa i prateće dokumentacije od strane Dobavljača.

Račun Dobavljača za plaćanje:  
Naziv Banke: Raiffeisen Bank dd Sarajevo  
Transakcijski Broj računa: 1610000072250073  
Početak roka plaćanja teče od datuma dostavljanja računa Naručiocu.

## **ROK ISPORUKE**

### **Član 4.**

Rok isporuke električnog viljuškara i ukupno ugovorene i specificirane količine opreme, kao i pripadajućih usluga iz člana 1. ovog ugovora je 30 (trideset) dana, računajući od datuma obostranog potpisivanja ovog ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručioc mogao primiti električni viljuškar iz člana 1. ovog ugovora u skladu sa uslovima iz ponude.

Mjesto izvršenja obaveza Dobavljača (isporuke električnog viljuškara) je sjedište Naručioca. Naručioc se obavezuje isplatiti cijenu i preuzeti isporuku ugovorenog električnog viljuškara onako kako je predviđeno ovim ugovorom. Obaveza Naručioca u preuzimanju isporuke se sastoji u obavljanju svih radnji koje se razumno od njega očekuju da bi omogućio Dobavljaču izvršiti isporuku i u preuzimanju električnog viljuškara iz člana 1 ovog ugovora.

Do isporuke / predaje električnog viljuškara Naručiocu (do dana obostranog potpisivanja zapisnika o kvantitativnom prijemu električnog viljuškara bez primjedbi) rizik slučajne propasti ili oštećenje električnog viljuškara snosi Dobavljač, a s isporukom / predajom električnog viljuškara rizik prelazi na Naručioca. Rizik ne prelazi na Naručioca ako je isti zbog nekog nedostatka isporučenog / predanog električnog viljuškara raskinuo ugovor ili tražio zamjenu električnog viljuškara.

Po isporuci električnog viljuškara, Dobavljač će dostaviti Naručiocu sljedeći dokumente:

- račun koji sadrži precizan opis električnog viljuškara sa opremom, količinu, jediničnu cijenu i ukupnu cijenu,
- otpremnicu i garanciju.

## **GARATNI ROK**

### **Član 5.**

Dobavljač se obavezuje da će za isporučeni električni viljuškar dati Ugovornom organu garanciju u trajanju od 2 (dvije) godine ili 2000 radnih sati, a u obzir se uzima uslov koji bude prije ispunjen, na viljuškar uključujući i bateriju uz redovno održavanje u garantnom roku servisa. Ova obaveza dobavljača se ne odnosi na kvarove koji nastupaju kao posljedica nestručnog rukovanja koja nije u skladu sa uputstvom o rukovanju električnog viljuškara.

Dobavljač se obavezuje da obezbijedi originalne rezervne dijelove, servisiranje i održavanje električnog viljuškara iz člana 1. ovog ugovora u servisu u toku trajanja garantnog perioda.

Ponudač je dužan da dostavi plan redovnog servisiranja – servisa (redovni i vanredni), koji bi obuhvatao vremenski garantni period.

Garantni period na koji se Dobavljač obavezuje u pogledu ugovorenog električnog viljuškara počinje teći od datuma obostranog potpisivanja Zapisnika o kvantitativnom prijemu električnog viljuškara, bez primjedbi. Na osnovu predatog garantnog lista kojim Dobavljač garantuje ispravno funkcionisanje istog, Naručioc ima pravo, ako električni viljuškar ne funkcioniše ispravno, zahtijevati od Dobavljača da električni viljuškar popravi u roku od 20 dana ili ako to ne učini, da mu mjesto njega isporuči električni viljuškar koji funkcioniše ispravno. U slučaju manjeg popravka, garantni rok se produžava onoliko koliko je Naručioc bio lišen upotrebe električnog viljuškara.

Međutim, kada je zbog neispravnog funkcionisanja izvršena zamjena električnog viljuškara ili njegov bitni popravak, garantni rok počinje teći ponovo od zamjene, odnosno vraćanja popravljenog električnog viljuškara. Ako je zamijenjen ili bitno popravljen samo neki dio električnog viljuškara, garantni rok počinje teći ponovo samo za taj dio.

Rok za otklanjanje eventualnih nedostataka i grešaka za vrijeme trajanja garancije iznosi najduže 20 (dvadeset) dana od dana zaprimljene reklamacije. Svi nedostaci će biti otklonjeni od strane Dobavljača, bez ikakvih troškova po Naručioca, u toku garantnog perioda. Ugovorni organ ima pravo zahtijevati novi proizvod, ukoliko Dobavljač u predviđenom roku ne otkloni sve nedostatke.

## **UGOVORNA KAZNA, ZATEZNA KAMATA**

### **Član 6.**

U slučaju kašnjenja u isporuci električnog viljuškara, Naručioc će zaračunati i naplatiti Dobavljaču na ime ugovorne kazne iznos od 1% ukupne vrijednosti električnog viljuškara, čija isporuka kasni za svaki puni dan zakašnjenja počev od prvog dana docnje do maksimalnih 10 %, ukupne vrijednosti / cijene ugovora.

Naručioc ne može zahtijevati ugovornu kaznu ako je primio ispunjenje obaveze, a nije bez odlaganja pismeno saopštio Dobavljaču da zadržava svoje pravo na ugovornu kaznu.

Na zakašnjela plaćanja Dobavljač će zaračunavati Naručiocu zatezne kamate prema pozitivnom propisu.

## **VIŠA SILA**

### **Član 7.**

Ako slučaj više sile potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 8 dana od nastanka više sile. Ako se blagovremeno ne javi na stupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dejstvo ugovorene strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 15 dana, ugovorne strane će se sporazumjeti o daljnjoj sudbini ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### **Član 8.**

Naručilac sa Dobavljačem zaključuje ugovor za nabavku električnog viljuškara na osnovu izvornih uvjeta iz tenderske dokumentacije Naručioca i ponude Dobavljača.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## **PRIMJENA ZAKONA O OBLIGACIONIM ODNOSIMA**

### **Član 9.**

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## **RJEŠAVANJE SPOROVA**

### **Član 10.**

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## **OSTALE ODREDBE**

### **Član 11.**

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

**Član 12.**

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

**Član 13.**

Ovaj ugovor je sačinjen u 4 (četiri) istovjetnih primjeraka od kojih svaka ugovorna strana zadržava po 2 (dva) primjerka.

**Član 14.**


Ugovor stupa na snagu danom potpisivanja od strane Dobavljača i Naručioca.

**DOBAVLJAČ**

**Parkelj d.o.o.**

**DIREKTOR:**

**Haris Voloder**  
d.o.o.



**Broj:** 125/2020

**Datum:** 17.08.2020

**UGOVORNI ORGAN**

**Direkcija za robne rezerve KS**

**Po ovlaštenju  
DIREKTORICE:**

**Emir Jesenković, dipl.iur.**



**Broj:** 02-25-384-23/20

**Datum:** 14.08.2020. godine

